



Na osnovu Zaključka Skupštine Kantona Sarajevo broj 01-05-27771/13 od 13.11.2013. godine, kojim se daje podrška i obaveza Ministarstvu za boračka pitanja Kantona Sarajevo da u skladu sa zakonskim ovlaštenjima i svim drugim mogućnostima, u okviru sredstava predviđenih u Budžetu Kantona Sarajevo za finansiranje pravne pomoći u korist branilaca Bosne i Hercegovine, pruži sve vrste pomoći osumnjičenim i optuženim bivšim pripadnicima Armije BiH (Oružanih snaga RBiH) u predmetima ratnih zločina do pravosnažnosti presude, kao i članovima njihovih porodica člana 14. i 15. Uredbe o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj 22/21 i 13/22) i člana 12. Pravilnika o dodjeli transfera neprofitnim organizacijama i pojedincima („Službene novine Kantona Sarajevo“, broj 1/22), a u skladu sa Odlukom o usvajanju godišnjeg plana objavljivanja javnih poziva dodjele transfera neprofitnim organizacijama i pojedincima za finansiranje i sufinansiranje aktivnosti programa i projekata za 2024. godinu broj: 06-11-10531-1/24 od 18.04.2024. godine, ministar za boračka pitanja Kantona Sarajevo raspisuje

## **JAVNI POZIV**

**za finansiranje/sufinansiranje projekata pružanja pravne i druge pomoći  
u korist osumnjičenih i optuženih bivših pripadnika Oružanih snaga RBiH  
u predmetima ratnih zločina do pravosnažnosti presude za 2024. godinu**

### **I Predmet javnog poziva**

Predmet javnog poziva je raspodjela sredstava iz Budžeta Kantona Sarajevo za 2024. godinu, razdjel Ministarstvo za boračka pitanja Kantona Sarajevo za realizaciju projekata od interesa za boračku populaciju u saradnji sa neprofitnim organizacijama - Sufinansiranje pravne pomoći u korist branilaca BiH.

### **II Svrha i cilj dodjele transfera**

Svrha dodjele transfera fondacijama koje su registrovane za pružanje pravne i druge pomoći u korist branilaca Bosne i Hercegovine, osumnjičenim i optuženim bivšim pripadnicima Oružanih snaga RBiH u predmetima ratnih zločina do pravosnažnosti presude, kao i članovima njihovih porodica je podrška projektima koji se odnose na pružanje pravne, finansijske i druge pomoći u korist navedenih lica, za 2024. godinu.

### **III Sredstva za implementaciju**

Sredstva za implementaciju po ovom Javnom pozivu obezbijedena su u Budžetu Ministarstva na ekonomskom kodu 614300 DAN030 „Realizacija projekata od interesa za boračku populaciju u saradnji sa neprofitnim organizacijama“ (program DAN0292 – Sufinansiranje pravne pomoći u korist



branilaca BiH) u iznosu od 110.000,00 KM. Ministarstvo za boračka pitanja Kantona Sarajevo zadržava pravo da navedeni iznos umanja ili uveća u zavisnosti od broja prijava i obima aktivnosti, te eventualnog usmjerevanja sredstava u duge namjene (uz saglasnost Vlade Kantona Sarajevo). Pojedinačni iznosi po pojedinom korisniku sredstava bit će utvrđeni po provedenoj proceduri obrade aplikacija.

Korisnici kojima sredstva budu odobrena po ovom Javnom pozivu su dužna ista iskoristiti u omjeru utvrđenom od strane Vlade Kantona Sarajevo Uredbom o dodjeli transfera neprofitnim organizacijama i pojedincima iz Budžeta Kantona Sarajevo („Službene novine Kantona Sarajevo“, broj 22/21 i 13/22), (u daljnjem tekstu: Uredba) i to:

- a) maksimalno do 30% odobrenih sredstava za administrativne troškove,
- b) minimalno 70% odobrenih sredstava za projektne aktivnosti.

Korisnici su obavezni nakon realizacije odobrenih projekata ili aktivnosti dostaviti izvještaje o namjenskom utrošku odobrenih sredstava. Izvještaji se podnose na propisanim obrascima opisnog (programskog) i finansijskog izvještaja. Svi troškovi prikazani u obrascu moraju biti obrazloženi, te praćeni odgovarajućom dokumentacijom. Rok za dostavu izvještaja je 15 dana od dana okončanja projekta ili aktivnosti.

Neprihvatljivi troškovi koji se ne mogu finansirati i sufinansirati dodijeljenim sredstvima odnose se na troškove koji nisu predviđeni budžetom projekta korisnika sredstava i troškovi koji su nastali prije odobravanja sredstava po ovom javnom pozivu.

Troškovi koji se mogu finansirati dodijeljenim sredstvima po ovom Javnom pozivu odnose se na troškove (administrativni i direktni) koji su vezani za realizaciju projekta sa kojima su udruženja i pojedinci aplicirali, za koji su odobrena sredstva a koji su iskazani u Obrascu Budžeta projekta.

Rok za implementaciju projekata propisuje se Ugovorom o dodjeli transfera za finansiranje i sufinansiranje projekata. Nakon realizacije svih dodijeljenih sredstava, a najkasnije do kraja budžetske godine, Ministarstvo provodi evaluaciju postignutih učinaka Programa utroška sredstava koji je osnov za raspisivanje i provođenje ovog Javnog poziva.

#### **IV Pravo učešća**

Pravo učešća po ovom Javnom pozivu imaju fondacije koje su registrovane za pružanje pravne i druge pomoći osumnjičenim i optuženim bivšim pripadnicima Oružanih snaga RBiH u predmetima ratnih zločina do pravosnažnosti presude kao i članovima njihovih porodica.

#### **V Kriteriji za učešće**

Aplikanti podnose pismene zahtjeve za finansiranje/sufinansiranje iz Budžeta Kantona Sarajevo za realizaciju projekata i programa od interesa za boračku populaciju Kantona Sarajevo sa dokazima o ispunjavanju općih i posebnih kriterija navedenih u Uredbi i Pravilniku o dodjeli transfera neprofitnim organizacijama i pojedincima („Službene novine Kantona Sarajevo“, broj 1/22), (u daljnjem tekstu: Pravilnik).

Opći kriteriji su:



Adresa: Reisa Džemaludina Čauševića 1, 71000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

2/7

- a) upis u odgovarajući registar iz kojeg je vidljivo da je sjedište aplikanta na području Kantona Sarajevo i osnivačkim aktom definisano područje djelovanja koje je u skladu sa prioritetima za koje se dodjeljuju sredstva,
- b) uredno ispunjavanje obaveza iz svih prethodno zaključenih ugovora o finansiranju i sufinansiranju iz budžetskih sredstava (ili po osnovu ranije dodijeljenih sredstava, ako nisu zaključivali ugovore),
- c) uredno ispunjavanje obaveza poreza i doprinosa,
- d) da se protiv podnosioca prijave, odnosno lica ovlaštenih za zastupanje i voditelja aktivnosti/programa/projekata, ne vodi krivični postupak i nije pravosnažno osuđen za prekršaj i/ili počinjenje krivičnog djela,
- e) za podnosiocce prijava koji su neprofitne organizacije, a na koje je preneseno javno ovlaštenje, internim aktom uspostavljen model dobrog finansijskog upravljanja i kontrola u skladu sa Zakonom o finansijskom upravljanju i kontroli u javnom sektoru u Federaciji Bosne i Hercegovine ("Službene novine Federacije BiH", broj 38/16) način sprečavanja sukoba interesa pri raspolaganju budžetskim sredstvima, odgovarajuće organizacione kapacitete i ljudske resurse za provođenje programa ili projekta, programa javnih potreba, javnih ovlaštenja, odnosno pružanje socijalnih usluga i sl.
- f) Program rada za tekuću godinu sa obrazloženjem;
- g) Finansijski plan za tekuću godinu;
- h) Izvještaj o urednom finansijskom poslovanju (bilans stanja, bilans uspjeha i narativni-opisni izvještaj za prethodnu godinu).

Posebni kriteriji su:

- a) usklađenost ciljeva, programa ili projekta sa ciljevima i prioritetnim oblastima iz strateških dokumenata iz kojih su izvedeni prioriteti za dodjelu sredstava;
- b) organizacijski i finansijski kapaciteti podnosilaca prijave;
- c) dosadašnje iskustvo podnosilaca u provođenju istog ili sličnih aktivnosti/programa/ projekata;
- d) učešće drugih partnera u realizaciji i njihovi kapaciteti i dosadašnje iskustvo;
- e) kvalitet planiranih aktivnosti i metode provođenja, te njihova povezanost sa problemima koji su bili osnov za utvrđivanje prioriteta, a koji se nastoje riješiti provođenjem aktivnosti/programa/projekta;
- f) budžet programa ili projekta razrađen/specificiran sa informacijama o ukupnom iznosu finansijskih sredstava potrebnih za provođenje aktivnosti/programa/projekta, iznosu koji se traži od davaoca sredstava, iznosu koji se za provođenje očekuje ili koji je već odobren od drugih donatora ili drugih davalaca sredstava (sufinansiranje), iznos vlastitih sredstava koji će podnosilac prijave sam uložiti u provođenje aktivnosti/programa/projekta (sufinansiranje), direktni troškovi provođenja aktivnosti/programa/projekata razrađeni po izvorima finansiranja, indirektni troškovi provođenja aktivnosti/programa/projekata;
- g) informacije o rizicima i mogućim problemima u provedbi aktivnosti/programa/projekta;
- h) održivost aktivnosti/programa/projekta (obim u kojem će se rezultati provedenih programa i projekata nastaviti koristiti od strane krajnjih korisnika);
- i) uticaj aktivnosti/programa/projekata, odnosno koje se promjene očekuju od njihovog provođenja;
- j) projekti pružanja sve vrste pomoći osumnjičenim i optuženim bivšim pripadnicima Armije BiH (podrazumijevajući bivše pripadnike Oružanih snaga R BiH) u predmetima ratnih zločina do pravosnažnosti presude, kao i članovima njihovih porodica.



## VI Dokumentacija koju je potrebno dostaviti:

Sredstva se dodjeljuju na osnovu Javnog poziva koje raspisuje Ministarstvo, a podnosilac prijave dostavlja sljedeću dokumentaciju:

- a) Obrazac prijave na Javni poziv za finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude za 2024. godinu (koji se preuzima na web stranici Ministarstva);
- b) Popunjen, potpisan i ovjeren Obrazac za prijavu projekta Ministarstvu za boračka pitanja Kantona Sarajevo za ostvarivanje sredstava za finansiranje i sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude za 2024. godinu (koji se preuzima na web stranici Ministarstva);
- c) Obrazac budžeta projekta fondacija za ostvarivanje sredstava za finansiranje/sufinansiranje projekata pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude za 2024. godinu (koji se preuzima se na web stranici Ministarstva);
- d) Rješenje o registraciji od nadležnog organa, sa zadnjim izmjenama podataka (ovjereni fotokopija u vrijeme podnošenja zahtjeva) iz kojeg je vidljivo da je sjedište aplikanta na području Kantona Sarajevo;
- e) Izvadak iz registra udruženja izdat od nadležnog Ministarstva u vrijeme podnošenja zahtjeva, odnosno ne starije od 30 dana od dana podnošenja zahtjeva;
- f) Akt (Rješenje o registraciji ili osnivački akt) iz kojeg je vidljivo područje djelovanja koje je u skladu sa prioritetima za koje se dodjeljuju sredstva (ovjereni fotokopija ne starija od 3 mjeseca);
- g) Uvjerenje o poreznoj registraciji (ID broj) (ovjereni fotokopija ne starija od 3 mjeseca);
- h) Uvjerenje o izmirenim poreskim obavezama (original ili ovjereni fotokopija, Uvjerenje ne starije od 30 dana od dana objavljivanja Javnog poziva);
- i) Uvjerenje o izmirenim porezima i doprinosima za zaposlenike (ukoliko ima zaposlenika) (original ili ovjereni fotokopija, Uvjerenje ne starije od 30 dana od dana objavljivanja Javnog poziva);
- j) Lista osiguranika izdata od strane Porezne uprave (original ili ovjereni fotokopija, Lista ne starija od 30 dana od dana objave Javnog poziva);
- k) Izjava da se protiv lica ovlaštenih za zastupanje i voditelja aktivnosti/programa/projekta, do dana objave Javnog poziva ne vodi krivični postupak i nije pravosnažno osuđen/a za prekršaj i/ili počinjenje krivičnog djela i/ili privredni prestup (koja se preuzima na web stranici Ministarstva. Ovu izjavu popunjava pojedinačno svako lice ovlašteno za zastupanje koje je navedeno u Izvratku iz registra udruženja i ostala lica koja su navedena kao voditelj projekta);
- l) Bilans stanja i bilans uspjeha za prethodnu godinu ovjereni od strane nadležne ustanove;
- m) Narativni izvještaj za prethodnu godinu-tekstualni opis provedenih aktivnosti;
- n) Finansijski izvještaj o utrošku sredstava za projekte odobrene u prethodnom periodu na propisanim obrascima dostavljeni shodno ugovorenim obavezama po prethodno zaključenim ugovorima (dostavlja se dokaz ili referenca na ranije dostavljeni izvještaj – kopija pratećeg akta izvještaja i slično)
- o) Obrazac okvirnog finansijskog plana i programa rada udruženja za ostvarivanje sredstava za finansiranje i sufinansiranje aktivnosti/programa/projekata Ministarstva za boračka pitanja Kantona Sarajevo (preuzima se na web stranici Ministarstva);



Adresa: Reisa Džemaludina Čauševića 1, 71000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

- p) Ako postoji partner na projektu dostaviti Izjavu o partnerstvu popunjenu i ovjerenu od strane partnera na projektu iz koje je vidljiv iznos sredstava sa kojima će isti sufinansirati projekat (preuzima se na web stranici Ministarstva);
- q) Izjava kojom korisnik sredstava (prihvata) potvrđuje saglasnost da se podaci sadržani u ugovoru o dodjeli transfera unesu u Registar transfera neprofitnim organizacijama i pojedincima za finansiranje i sufinansiranje aktivnosti/programa/projekata iz Budžeta Kantona Sarajevo, te da isti budu javni i transparentni (preuzima se na web stranici Ministarstva);
- r) Izjava ovjerena od nadležnog organa da do dana objave javnog poziva podnosioci zahtjeva nisu/jesu ostvarili sredstva iz drugih izvora finansiranja i sufinansiranja za projekte pisane riječi kojima su aplicirali po Javnom pozivu (preuzima se na web stranici Ministarstva), odnosno da ne postoji dvostruko finansiranje i sufinansiranje za aplicirane projekte. Ukoliko jesu ostvarena sredstva iz drugih izvora za finansiranje dijela projekta, isto mora biti obrazloženo.
- s) Izjava odgovornog lica Fondacije da je Fondacija u skladu sa Statutom Udruženja i Zakonom o udruženjima i fondacijama („Službene novine Federacije Bosne i Hercegovine“ broj 45/02) redovno održavalo skupštine Fondacije, da je skupština Fondacije redovno odlučivala o razrješenju i imenovanju članova organa upravljanja i ovlaštenih lica za zastupanje i predstavljanje fondacije, da je mandat članova organa upravljanja i lica ovlaštenih za zastupanje aktivno legitiman da poduzimaju radnje u ime i za račun udruženja.
- t) Izjava o realizaciji projekta (preuzima se na web stranici Ministarstva);
- u) Ovjerena fotokopija ugovora o otvaranju transakcijskog računa ili potvrda o validnom transakcijskom računu.
- v) U toku samog Javnog poziva, Ministarstvo može tražiti i drugu dokumentaciju iz koje je vidljivo ispunjavanje općih i posebnih uvjeta i kriterija propisanih Uredbom i pravilnikom.

Udruženje koje nema uposlenih i neizmirenih obaveza može dostaviti ovjerenu izjavu kod nadležnog organa, da nema uposlenih i neizmirenih obaveza kojom to potvrđuje, te nije dužno dostaviti akte navedene pod tačkama i) i j).

Udruženje koje je registrovano u prethodnoj godini a nakon registracije nije imalo drugih promjena na svom računu osim uplate redovnog depozita, nije dužno dostaviti izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu) i finansijski izvještaj o utrošku sredstava za projekte odobrene u prethodnoj godini. Ovakvo udruženje dužno je obavijestiti FIA-u o tim činjenicama podnošenjem Izjave o neaktivnosti za prethodnu godinu. Ovjerenu fotokopiju navedene Izjave kod nadležnog organa, a koja je zaprimljena od strane FIA-e, udruženje je dužno dostaviti po predmetnom Javnom pozivu.

**Svi dokumenti koji se podnose kao dokaz o ispunjavanju općih i posebnih kriterija iz ovog poziva trebaju biti poredani po naprijed navedenom redosljedu.**

**Dokumentacija koja se sačinjava u vidu obrazaca preuzetih sa web stranice treba se dostaviti i u elektronski formi (wordov obrazac) na CD-u ili USB-u.**

## VII Obrada prijava i izbor korisnika

Za obradu prijava po Javnom pozivu za podršku projektima projekata pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude za 2024. godinu, ministar Rješenjem imenuje/zadužuje Komisiju.



Adresa: Reisa Džemaludina Čauševića 1, 71000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

5/7

Komisija ima zadatak da u skladu sa propisanim kriterijima i procedurama utvrđenim Uredbom i Pravilnikom izvrši evaluaciju i bodovanje prispjelih prijava, sačini Prijedlog odluke o dodjeli transfera neprofitnim organizacijama i pojedincima za finansiranje i sufinansiranje projekata projekata pružanja pravne i druge pomoći u korist osumnjičenih i optuženih bivših pripadnika Oružanih snaga RBiH u predmetima ratnih zločina do pravosnažnosti presude za 2024. godinu i Listu podnosilaca prijava čije su prijave neblagovremene, nepotpune i neuredne, te iste dostavi ministru. Odluku o dodjeli sredstava za finansiranje i sufinansiranje projekata, donosi ministar.

Objavljivanje rezultata javnog poziva vrši se na internet stranici Ministarstva. Ministarstvo je obavezno u roku od 15 radnih dana od dana objavljivanja rezultata, pismeno obavijestiti podnosiocima čije prijave nisu prihvaćene za finansiranje i sufinansiranje, navodeći razloge odbijanja prijave.

Svi podnosioci prijave imaju pravo na izjavljivanje prigovora, osim ako je prijava odbijena kao nepotpuna, neblagovremena i neuredna. Prigovor se izjavljuje u pisanoj formi ministru u roku od sedam dana od dana dostavljanja pismene obavijesti podnosiocu čija prijava nije prihvaćena za finansiranje i sufinansiranje.

Nakon isteka roka za prigovor i nakon rješavanja po uložnim prigovorima, Ministarstvo sa odabranim korisnicima sredstava zaključuje ugovore o dodjeli sredstava, nakon čega će se sredstva doznačiti na transakcijske račune korisnika, na način definisan ugovorom.

## VIII Mjere za sprečavanje sukoba interesa

Mjere za sprečavanje sukoba interesa najmanje uključuju da predsjednik, član i sekretar komisije uključeni u postupke dodjele transfera:

- a) nije lično i/ili članovi njegove porodice (bračni ili vanbračni drug, dijete ili roditelj) nisu zaposlenici, članovi upravnog tijela ili rukovodioci kod podnosioca prijave,
- b) nije povezan na bilo koji način sa podnosiocem prijave ni kod drugih lica (partnerski odnos u provođenju programa i projekata i sl.),
- c) nema materijalni ili nematerijalni interes u odnosu na javni interes i to u slučajevima porodične povezanosti, ekonomskog, političkog ili drugog zajedničkog interesa.

U slučaju utvrđenog sukoba interesa, bilo po izjavi lica uključenih u dodjelu sredstava ili po zaprimljenoj prijavi od strane drugih lica, ministar odlučuje o načinu upravljanja sukobom interesa, odnosno svaki član komisije će biti isključen iz postupka dodjele sredstava ukoliko se utvrdi da je u sukobu interesa sa podnosiocem prijave.

## IX Zajedničke odredbe

1. Primaoci finansijske podrške za realizaciju programa ili projekta koji nisu dostavili narativni i finansijski izvještaj o utrošku sredstava za odobreni program ili projekte za koji su imali u prethodnom periodu odobrena budžetska sredstva ili su dostavili neadekvatan narativni i finansijski izvještaj u kome nisu opravdali utrošak odobrenih budžetskih sredstava u cjelokupno odobrenom iznosu za program ili projekat, ne mogu biti prihvaćeni za finansiranje programa ili projekata.
2. Program utroška sredstava iz Budžeta putem dodjele transfera finansiranja i sufinansiranja projekata neprofitnih organizacija i pojedinaca, Obrazac za prijavu projekata, Obrazac budžeta projekta, Obrazac finansijskog izvještaja o utrošku sredstava i Obrazac opisnog (programskog) izvještaja o utrošku sredstava, koje treba primjenjivati prilikom izrade izvještaja o utrošku dodijeljenih sredstava, Obrazac okvirnog finansijskog plana i programa rada fondacije nalaze se na web stranici Ministarstva ([mbp.ks.gov.ba](http://mbp.ks.gov.ba)).



3. Obrasci izjava za fondacije pod tačkama k), p), q), r), s) i t), mogu se preuzeti na web stranici ministarstva ([mbp.ks.gov.ba](http://mbp.ks.gov.ba)), i moraju biti ovjerene kod nadležnog općinskog organa ili notara.
4. Sredstva nominalno odobrena Budžetom će se doznačavati fondacijama u cijelosti, odgovarajućim mjesečnim tranšama ili na drugi pogodan način na način propisan Ugovorom o dodjeli sredstava.
5. Sredstva odobrena po osnovu ovog Javnog poziva se moraju iskoristiti namjenski.
6. Nepotpune, neblagovremene i neuredne prijave neće se uzimati u razmatranje.
7. Skraćena verzija Javnog poziva objavljuje se u jednim dnevnim novinama, a cjeloviti tekst Javnog poziva na službenoj web stranici Ministarstva za boračka pitanja Kantona Sarajevo.
8. Dodatne informacije vezane za Javni poziv mogu se dobiti putem telefona: 033/562-007, 033/562-008, 033/562-010, 033/562-273 ili na e-mail: [mbp@mbp.ks.gov.ba](mailto:mbp@mbp.ks.gov.ba).
9. Rok za predaju aplikacija/prijava po ovom Javnom pozivu je od 11.11.2024.godine (ponedjeljak) do 26.11.2024. godine (utorak).
10. Prijave sa propisanom dokumentacijom uz naznaku "Prijava na javni poziv – Sufinansiranje pravne pomoći u korist branilaca BiH" dostaviti direktno na Pisarnicu Kantona Sarajevo ili poštom preporučeno na adresu  
**Ministarstvo za boračka pitanja Kantona Sarajevo,**  
**ulica Reisa Dž. Čauševića br. 1,**  
**71000 Sarajevo**

Broj: 06-11-50184/24  
Sarajevo, 08.11.2024. godine



Adresa: Reisa Džemaludina Čauševića 1, 71000 Sarajevo  
Tel: + 387 (0) 33 562-012, Fax: + 387 (0) 33 562-251  
Web: <http://mbp.ks.gov.ba>, E-mail: [mbp@mbp.ks.gov.ba](mailto:mbp@mbp.ks.gov.ba)

7/7

